

# KISIHNA LE NGAIDAM CHANNA



Simmun 10: June 6, 2026

“Eihon chonsiet  
iphuon vang u leh  
ama chu eiho  
chonsietna chengse  
ngaidam ding le  
chonphatlouna jouse  
silthieng ding a  
tahsan um tah  
chule chonpha tah  
ahi”

(1 John 1:9)



Bible in “*mihiem jouse chonse a Pathien loupina changlel ahi ta uve*” ati (Rom. 3:23).

Chuleh chonsiet peldoh thei le sumang thei ihi po uve jong ati (Jer. 13:23; 2:22).

Hinla Pathien chonsiet ngaidam ding a kimansa ahi. Chosiet lien le nasa behseh ngaidam lel Pathien in anei poi (Isaiah 1:18).

Bol ding khat bou aum e: Kisihna nei ding.



**Kisihna:**

➡ Kisihna ol a nei ding lunggel

➡ Kisihna dihtah

➡ Kisih ding a kouna



**Ngaidamna:**

➡ Lungsiet man ngaidamna

➡ Ngaidam chang ho von



# KISIHNA



# KISIHNA OL A NEI DING LUNGGEL

"Pakai in Martha adonbut in, "Martha, Martha, thil tampi ngaito a lunggim nahi" ati" (Luke 10:41)


Lazarus in a chun Jesu'n thu manlu tah tah, sochatna ding thu, jieng aseie. Ahin Martha chun ima limsah in anei pon, Jesu din phaata anei pon ahi. Bol ding toh ding tampi anei akisahlelpi'n ahi! (Lk. 10:40-41).



Eiho jong chutobang chu ihi uve. Chonsietna ilhahlut tieng kishin din Lhagao Thieng in eikou ji uve. Ahin Satan in toh ding, bol ding, kishahlelpi ding le lungkhampi ding tampi eikoipih ji uvin, chonsiet kigeldoh le kishihpina ding phaata inei ji po uve.



Hinla Pathien in ei dalhah dieh po uve. Ei kou kou jing uve (Ezek. 33:11). I chonsietna chu von nen toh atekah in (Isa. 64:6), Jesu thisan a kisop von thieng (Rev. 7:14) chutoh kilhehpi din ei tiem uve (Zech. 3:4).



# KISIHNA DIHTAH


“Mipi'n aseu un, "Pakai kom a kile kit ta ute! Ei bolgim u ahitan, dam jong ei damsah tei unte; ei mavosa u ahitan, imaha u ei tuompah tei lou diu ham?" (Hosea 6:1 )

Kisihna chu ipi mong hin tem? Kisihna lhem toh atah iti kihekhen thei in tem? (2 Cor. 7:10)

Chonsietna'n apet pet a ga phalou ahin lhut tieng kisihna akinei loi ji na'i. Ithilbol dihluu chu akijachatpi ji e. Ahin, dei umlou aga ho kilangdoh lou hi leh ithilbol kisihpina jong umlou maithei ahi. Hitobang kisihna chu ALHEM kiti ahi.

Chonsiet ibolkhah kihet (*aga phalou um le umlou lai hi leh*) a kuon lungopkaina le ngaidam ngaichatna gil tah nei chu kisihna DIHTAH ahi.

Ichonsiet tieng Lhagao Thieng in kisihna lungthim in “*ei mavo*” un, “*atel tel in ei botjah uve*”. Kisihna dihtah nei ding a ibel u leh Pathien suhdam le ngaidam ichang thei uve (Hos. 6:1).



# KISIH DING A KOUNA

“Hiche jieh chun chonsiet lung hei un lang na chonsiet chengse u suhmang a aumna din hung kile kit un.” (Solchahte 3:19)

John Baptist le Jesu'n natch apat lhon chun “*Kisih un*” tin asam gel lhon e (Mt. 3:1-2; 4:17).

Kisihna ibol a hiti lom a ngaikhoh ham? Ajieh chu, hiche louvin chonsiet ngaidamna aum thei poi (Acts 2:38; 3:19). Iti kinei ji a ham?



Pathien aphant jieh chun kishin din ei kou uve (Rom. 2:4)

Akouna idonbut thei uve

Pathien in Christa thingpel a athisan asuo vang in eiho ei ngaidam ta uve (Col. 1:13-14)

Bolkhiel ho lunggil tah a kishipi in

Chonsiet kikhenpi ta dia thulhuhna kitah tah bol in

Kisihna vang a ngaidam channa hin kisiemthahna ahin lhut tei ahi ti geldoh jing in; chonsietna toh kikhen jal a mithah hina chu ahi (Jn. 5:14).





# NGAIDAMNA



# LUNGSJET MAN NGAIDAMNA

“Pakai, na kitepna nit in, nei ngaidam in, ka chonsiet atam behseh tai” (Psalm 25:11)



Pathien in achamlouva ei ngaidamna diu aum poi. Angaidam channa ding boldoh thei jong ihi po uve.

Akikhonna bei alungsiet jal bouva ei chan u ahi jo’i. “*Aphatna, ngaidam ding a kimansa ahina, chuleh hepina dimset ahi jal a*” ei ngaidam u ahi (Psalm 86:5; Exodus 34:6-7).

Angailutna chun thingpel chan ache sah in, sah jou tahlou ding ibat jouse asa thieng sel tai (Eph. 2:4-5).



Thingpel kengbul a ichonsietna ilhut tieng Jesu’n ipuohgih jouse a kuon jalenna eipe ji tai (Heb. 12:1-2)



# LUNGSJET MAN NGAIDAMNA

“Pakai, na kitepna nit in, nei ngaidam in, ka chonsiet atam behseh tai” (Psalm 25:11)

Chonsietna le lungsietna kisamkaina um em?

## CHONSIETNA LE LUNGSJETNA KISAMKAINA

Rome 5:8

“chonse ihi lai un jong”

“Christ eiho din athi tai”

Rome 5:20

“chonsietna atam cheh cheh leh”

“lungsietna atamjo cheh e”

Rome 5:21

“chonsietna’n thina’n vai ahom e”

“lungsietna’n tuonsot hinna vaihom ding”

Rome 6:23

“chonsiet man thina ahi”

“Pathien thilpieh tuonsot hinna”



# NGAIDAM CHANG HO VON

**"Ajah a, 'Jol, moupui guolvah von bei a iti hung lut na him?' ati vang in ama la athip beh jieng e." (Matthew 22:12)**

Pathien Houbung— asung a mitin chu— *"tupat puonnem thiengsel, vamleuva"* kivon ding u, *"nuolna bei le avonkom bei hiel a"* kivon ding u ahi (Rev. 19:8; Eph. 5:27).

Hiche tupat puonnem chu *"mithieng te tohphatna"* vetsah ahi (Rev. 19:8b). Hiche tohphatna hi amaho a kuon ahapon, Christa'n apieh ahibouvui (Rev. 7:14).



Adam le Evi chonsietna alhah lhon chun saguohkeo ahi lhon amani thilbol in sel ago lhon e. Hinla asel jou dieh lhon poi (Gen. 3:7-10).

Pathien in kivonna ding apieh lhon chu Christa'n eipieh diu *"moupui guolvah von"*: achondihna chamkim tah, eiho chonsiet jouse soplheng thei a chu, vetsah ahi (Gen. 3:21; Ps. 51:7-10).

Hiche von neilou se koima vangam lut theilou ding ahi (Mt. 22:1-14).



“Pathien cha hi ding go jouse’n Christa natoh jal bouva kishna le ngaidam chang thei akihi ti pom masah ngai ahi. Hiche ngaidamna akisaan jouva pat chonsepa chun ngaidam chang ho chonchan atho ding, Pathien thahsiemna thahat achan theina ding a hepi laltouna lam lhadah louva asaan jing ding ahi.

Christa’n chonsiet kishlouva ngaidam achan ngei poi, angaidam theina din chonsiet kishna lhagao achansah masa’i. Chonsepa din bulhing set akoi pih in, atahsan jouse Christa thiemchanna asimpih tai. Van a kikhong puon lu, von bangleh chu kishna pum a tahsanna nei jouse kikoi pih chieh ahi uve.”